



Här Claude Wiseler
President vun der Chamber

Lëtzebuerg, de 7. Oktober 2024

Här President,

Esou wéi d'Chambersreglement et virgesäit, bieden mir lech, dës parlamentaresch Fro iwwert **d'Aarbechtsklima an der Gemeng Conter** un den **Här Inneminister** weiderzeleeden.

Mëtt September hunn d'Gewerkschaft OGBL an d'Oppositionsparteien aus der Gemeng Conter, hir Suergen a Froen iwwert dat schlecht Aarbechtsklima an der Verwaltung vun dëser Gemeng öffentlech thematiséiert. D'Gewerkschaft huet erklärt, dass ze vill Leeschtungsdruck, sou wéi ze wéineg Wäertschätzung an Ënnerstëtzung zu Frustratioun, Gesondheitsproblemer, an enger héijer Fluktuatioun beim Personal géife féieren. Laut eisen Informatiounen hätt d'Personalfluktuatioun (Pensiounen net mat agerechent) bei de Gemengebeamten tëscht de Joren 2017 an 2024 bei 59% geleeën.

An dësem Kontext erlabe mer eis folgend Froen un den Här Minister ze stellen :

1. **Wéi ass dem Här Minister seng Vue op dës Situatioun?**
2. **Sinn den Inneministère oder den Här Minister offiziell iwwert d'Virwërf vum schlechten Aarbechtsklima an der Gemeng Conter informéiert ginn? Ass den Inneministère oder den Här Minister a Kontakt mam Schäfferot?**
3. **Wa jo, goufe Moosnamen ergraff, fir sécherzestellen, datt d'legal Obligatiounen an der Personalgestioun vun de Gemengenadministratiounen agehale ginn? Wa nee, gedenkt den Här Minister nach an dëser Situatioun ze intervenéieren?**
4. **Wéi eng spezifesch Richtlinnen a Recommandatiounen gëtt et fir Gemengenadministratiounen, fir eng gutt Personalgestioun an e gutt Aarbechtsklima ze assuréieren?**

Mat déiwem Respekt,

Djuna BERNARD
Députéiert

Meris SEHOVIC
Députéierten